

Petersen Dyggve

I.

Con cest amor me traveille et confont
ke ne me lait chanteir ne joie faire
et m'est antree ans el cors si parfont
ke a nul jor ne m'an kier a retraire,
ne je nel veul, ne ja Deus nel me donst,
ke tut li mal ke m'an vienent et vont
me sont si dous ke miels ameir me font,
et la dolors m'est douce et debonaire.

II.

Ma dame ains plus ke rien ke soit el mont,
mais loxangier ke ne s'an veulent taire
mi vont noisant; ja Deus ne lor pardonst,
car anuiou se font d'atrui afaire.
C'est por noiant: ja mar s'an peneront,
ke tant conois les biens ki an li sont
ke ja force ne poioir nen avront
de nostre amor enpirier ne defaire.

III.

Je m'an vois, dame, a cor Deu vos conmant
ke vous rande les biens et la franchise
ke m'aveis fait docement en riant.
a tous jors mais iere en vostre servise,
conmant c'amors s'an pairte en sospirant.
Li departirs me fait dolor si grant
por poc mes cuers ne s'an pairt en plorant;
se fait il, lais, mais ne sai en keil guise.

- letto 476 volte